

**Oqaluuserisassanut nassuiaat.**

(Inatsisartut Siulittaasuat)

Oqaluuserisassani immikkoortup 28-ip aappassaaneerneqarnissaa juunip ulluisa aallaqqaataannut kinguartinneqarpoq.

Immikkoortup 28-ip qulequtaraa: Napparsimasup najugaqarfimmi avataani misissorneqarnerani katsorsarneranilu kiffartuussinerit pillugit

Namminersornerullutik Oqartussat nalunaarutaat nr. 2, 24. januar 2005-meersumi §9 meeqqanut arfinillit inorlugit ukiulinnut ingiaqataasinnaasut inuit marlunngortinnissaanik Naalackersuisunut allanngorteqqullugu aalajangiiffisassatut siunnersuut.

Oqaluuserisassani immikkoortup 161-ip aappassaaneerneqarnissaa pingajussaaneerneqarnissaalu maajip ulluisa 27-iannut juunillu ulluisa aallaqqaataannut kinguartinneqarput.

Immikkoortup 161-ip qulequtaraa: Nappaatit tunillaassortut akiorniarlugit iliuitsit pillugit Inatsisartut inatsisaat

Oqaluuserisassani immikkoortut marluk ataatsimut suliarineqartut, tassa immikkoortup 95-ip 134-illu, aappassaaneerneqarnissaat maajip ulluisa 25-iannut kinguartinneqarpoq.

Taakku qulequtaraat:

Immikkoortoq 95: Tasiilami efterskolemik pilersitsinissaq siunertaralugu pilersaarummik UPA 2023-mi Naalackersuisut saqqummiusseqqullugit Inatsisartut aalajangiiffisassaattut siunnersuut, aamma

Immikkoortoq 134: Tasiilami adventure efterskolemik pilersitsinissamik Naalackersuisut peqquneqarnissaannik siunnersuut.

Suleriaatsimi § 41 innersuussutigalugu oqaluuserisassani immikkoortumik nutaamik 56-itut normulimmik ilanngussisoqarnissaa siulittaasoqarfiup akueraa. Taassuma qulequtaraa: Ukiuni 1960-ikkunni 1970-ikkullu qiteqqunneqarannut qallunaat peqqinnissamik oqartussaasuisa Kalaallit Nunaanni naartunaveersaartitsinissamik periuuserisimasaat pillugu Qallunaat naalackersuisuisa nassuiaateqarnissaannik suliamik aallartitsisoqassasoq

Naalackersuisut peqquneqarnissaannik Inatsisartut aalajangiiffigisassaattut siunnersuut.

Tassannga Naleqqap Inatsisartunut ilaasortaatitai siunnersuuteqartuupput.

Immikkoortoq maajip ulluisa 24-ianni siullermeerneqassaaq juunillu ulluisa aappaanni aappassaaneerneqarluni.

**Taasisarnerit pillugit uku akornanni isumaqatigiissuteqartoqarpoq:**

Múte Bourup Egede, Inuit Ataqatigiit aamma Jens Napaattoq, Naleraq.

Jens-Frederik Nielsen, Demokraatit aamma Anders Olsen, Siumut.

Nivi Olsen, Demokraatit aamma Kuno Fencker, Siumut.

Aqqalu Jeremiassen, Atassut aamma Hans Peter Poulsen, Siumut.

Kristian Jeremiassen, Inuit Ataqatigiit aamma Hans Enoksen, Naleraq.

Eqaluk Høegh, Inuit Ataqatigiit aamma Pele Broberg, Naleraq.

